

55  
A! Ω!  
EXERCITATIO MEDICA PRACTICA  
DE  
FEBRE PETE-  
CHIALI  
feu  
PURPURATA,

QVAM  
GRATIOSISSIMÆ FACULTATIS MEDICÆ  
CONSENSU,  
SUB PRÆSIDIO  
N. GEORGII ERNESTI STAHLII,  
MED. DOCT.

Publicæ Philiatorum disquisitioni submittit

A. & R.

JOH. GODOFREDUS SCHUKIUS,

PLAVIA VARISCUS,

AD d. Januar. MDCLXXXV.

IN AUDITORIO MEDICORUM

Nunc cum brevissimis animadversionibus  
Præsidis recusa.

---

HALÆ MAGDEBURGICÆ,

Litteris CHRISTIANI HENCKELII, Acad. Typ. 1714.

EXERCITATIO MEDICA PRIMA  
DE

FEBRE PETE

CHIALI

1611

PURPURATA

GVAM

GRATIOSISSIME FACULTATIS MEDICAE

CONSENSU

1611

GEORGII ERNESTI STANLI

MDCCCLXXI

FRANCIAE THESAURUS

1611

JOH. GODOFREDO SCHNITZ

1611

1611

1611

1611

1611

1611

1611





## Annotationes aliquot in præcedentem Dissertationem.

**C**um Dissertatio hæc, ante hos XXI. annos Ienæ à me habita, petenti typographo denuo excubenda permitteretur, visum est, partim in meam ipsius, partim in Lectoris solertis, rem futurum esse, ut pauca circa illam monerem, quò illa melius intelligi & applicari possit.

Quo tempore Dissertationem hanc conscripsi, novitius eram Medicinæ Doctor, antè annum circiter in hunc ordinem cooptatus. Non deerat æquè scientia rerum in Doctrina medica vulgo constitutarum; experientia propria in multis, quæ veram morborum historiam Clinicam, & qualis circa lectos patientium deprehenditur, respiciunt, omninò deerat. Interim Classicorum autorum fide credus, satis mihi, (uti ferè vulgò fit, & mós ille etiam diligenter conservatur,) illorum autoritate tutus videbar; cui propterea etiam Dissertationem hanc, quantum ad speciem hanc febris, satis securè atque confidenter superstruxi.

Sicut autem in illis, quæ magis ad ipsum *genus*, & inprimis quidem ad *Theoriam Febris in genere*, respiciebant, ab illi simplici autoritate reliquæ Scholæ Medicæ, jam illo ipso tempore non mediocriter alienor erat, animus; ita habui etiam

) (

post.



posthac occasionem certè locupletissimam, ipsas illas etiam *historiæ* harum febrium vulgatas descriptiones, simpliciore oculo intuendi; sub quâ contemplatione, aliqua, & nequaquam quidem levia, perspicere contigit, quæ ab illorum fide, & meâ super illam fundatâ credulitate, plurimum aliena essent.

Sicut autem quæ ad hunc posteriorem respectum pertineat, peculiari schediasmate, quod jam etiam ipsum sub prælo est, exactius delineare suscepi; ita placet interim brevissime monere.

1. *In genere*, quod ex hac dissertatione solertibus lectoribus ad minimum illud dilucescere possit, quod etiam jam illo ipso tempore sententiam eam foverim, quod Febres non tam simpliciter morbidæ cujuscunque causæ directus effectus haberi mereantur, quàm potius ipsius Naturæ si consulturæ subsidium & auxilium; quo illa potius *contra* noxias materias insurgat atque depugnet, quam ut ipsi tales motus ab istis materiis simpliciter superinducerentur, & ab illa *passivè* solum suscipiendi atque tolerandi, & magis patientia & expectatione qualiscunque eventus, quam aliqua *activa* resistentiâ, superandi essent.

2. Aliter inprimis me docuit Experientia, *in specie*, circa verum proprium hujus Febris genium; nempè, quod neque hæc; nec ulla alia *contagiosa* & *maligna* febris, è *propria sua directa* indole, symptomatibus *vehementibus*, aut qualicunque *turbulentia*, insigniter conspicua sit; sed potius iterum dico, è *propria suo indole*, & hæc, & aliæ hujus generis febres, *lenes* omnino sint, & quantum ad illa symptomata, quæ vulgo febribus tribuuntur, maxime *moderata*.

3. Deprendi, quod *efflorescentia* illa macularum, quantumlibet non sit stricto penitus sensu *Critica*; tamen etiam minime sit, juxta vulgatam traditionem, simpliciter *symptomatica*, id est, quæ ægro non solum absolute nihil levaminis, sed etiam penitus plus discriminis, adferat. Unde plebi in peste  
ste



ste die Todten-Glecke/ vel in sola peste ita summè malignæ esse deberent; vel minimè simpliciter, historica veritate, ita summe efficaces sunt: vel expulsionis impetu ita funestæ reduntur.

4. Quandoquidem etiam in hac ipsa simpliciore petechiali febre, directæ *expulsione* maculæ hæ non æque indigent; imo vero *fortiorem* hujus instigationem, omninò pessimè ferunt.

5. Tantò magis, cum etiam maculæ hæ huic feбри non absolute à priori essentialia sint, sed solum à posteriori: id est, huic feбри non semper & absolutè eveniant; licet quando eveniunt, utique non nisi huic (nempe his etiam reliquis symptomatibus specificè sic dispositæ,) obtingant.

6. Planè dispar in hac febre, quam in aliis *exanthematicis*, est energia tam *adstrictionis* alvi, quam fluxus eiusdem. Adeo, ut *adstrictio* alvi, quæ v. gr. in *variolis* atque *morbillis* minime considerari meretur, hic re vera *periculosa* sit. *Fluxus* alvi, qui in illis maximi periculi, in hac nullius sit: imo hoc intuitu *adstrictioni* equidem longe antè habendus: *Cohibitio* autem ejus, ut in illis quidem necessaria, ita in hac febre, si quantumcunque erroris per *adstringentia* committatur, etiam funesta sit.

7. Hoc intuitu etiam medicamenta qualitercunque *adstringentia*, ab hac febre longe securius penitus exulant.

8. Sicut etiam *Venæ sectiones*; nisi methodus illis subjungatur exquisitissima constantia diapnoica: citra tamen remedia sanguinem graviter exagitantia.

9. *Aphthæ*, uti huic feбри magis quam ulli alteri familiares, nisi quidem potius propriæ, sunt; ita & magis circa tempora demum *critica* cooriuntur; & mali ominis sunt: & ubi semel invaluerunt, quod paucarum horarum spatio circumscribitur, funesti eventus sunt.

10. Non solum ab aliis *adstringentibus*, sed omnino ab ipsa



ipsa etiam *terra sigillata* in hac febre abstinuisse, erit melius.

11. *Species de hyacintho* in priore exemplari nominatæ fuerunt, tanquam pro analeptico usu; Sed cum plane peculiarem efficaciam exserant extretiones sudorificas in hibernando, vitandæ sunt.

12. Eodem intuitu abstinendum etiam est à *pulvere Pannonico*, ex sua propria efficacia certissime magis inhibente sudores, quam promovente: adhibito verò regimine sudorifico, inter propriam efficaciam cohibendi, & institutum illud contrarium expellendi sudorem, plane heteroclitas commotiones minitante.

13. Succedunt interdum maculis illis, *pustulæ* quædam *mili excorticati* facie, minores tamen aliquanto; hæ quando in recessu sunt, nihil juvat aut levat macularum excretio, sed tunc demum, quando hæ exiverunt, paulò melius habere incipit patiens. Sequuntur inprimis *regimen* nimis calidum: cui si etiam conjuncta fuerint medicamenta *calidiora*, fit non raro, ut maculæ illæ, & hæ pustulæ jugi impetu, simul, & æstatim erumpant, funesto communiter exitu.

14. Sensibilissimæ etiam sunt hæ pustulæ ad iterum evanescendum, cui rei & certissimè & citissimè *aphthæ* cum funesto exitu succedunt.

15. Nimis *calidum*, medicamentorum & regiminis, usum, etiam *copiosiores* atque *saturatiores* maculæ sequuntur: nullo bono eventu.

16. Quando *regimen* calidum admodum susceptum est, non licet postea notabili refrigerationi indulgere, sine certo & præsentissimo periculo.

17. Omnia in hac febre tranquillissimè, tam spontè succedere, quam arte geri debent, secus funestus eventus expectandus.

S. D. G.






Q. D. B. V.

## Benevolo Lectori

s. P.



**I**nter varia Februm  
producta morbosa & symptoma-  
tica, duo præcipue & Medicos &  
Ægrotos dubios habent, *Exan-  
themata & Malignitas*. Medicos  
quidem dubia exercet quæstio:  
Quænam sit peculiaris illa Humo-  
rum qualitas, ob quam, licet crassi ac falsi, ac proinde,  
ordinario Naturæ cursu, per alvum & urinam potius eji-  
ciendi, ad superficiem corporis propellantur, & ibidem  
modò *variolas*: modò *Exanthemata* illa, quas aliqui *Pu-  
puram albam*, den *Griessel*, vocant: modò denique *Bu-  
bones & Anthraces* forment? De *morbillis* enim & *Pe-  
techiiis* res paulò clarior videtur. Nec minor de *Maligni-  
tate* incertitudo, quam alius a similitudine effectuum  
per *virus* & venenositatem: alius ab effectibus ipsis, per  
substantiam toti naturæ contrariam: alius à modo essen-  
di communi, per *tenue miasma*, & summe activum efflu-  
vium.



vium à propria vero sui essentiâ (& in quonam respectiva illa cum Natura & Machina Humana contrarietas mutua consistat) nemo describit. Neque describere potest, cum sensum sub hac essentia fugiat, & non nisi per effectum sese prodat, non immediatum, sed mediatum; unde Veteres, priscâ virtute & fide, ingenue confessi sunt ejus *Qualitatem* sibi *occultam* esse, Socratica Sapientiâ & hîc nihil scire Humanitatem, agnoscentes.

Interim licet decisio harum quæstionum, solida & sufficiens hætenus desideretur; Quia tamen hæc accidentia Aegrotos valide torquent, & sæpe de vitâ dubios reddunt: Donec reperiatur manifesta qualitas, scrupulosissimi etiam consentiunt, quod dubiis existentibus à priori remediis illa, quæ à posteriori per Experientiam & observationes, constanter & firmiter, proficua fuerunt, sollicite administrantur.

Hâc sanè Methodo *Peste & Febribus pestilentibus* multa nobilia prostant tum Privata Scripta, tum Facultatum & Collegiorum publica Responsa & Consilia, quæ ex observationibus partim propriis, partim alienis fide dignis, *judiciosè* selectis & collatis, resultant, easque pro fundamento supponunt.

Ex hoc eodem structam vides L. B. hanc quoque de FEBRI PETECHIALI Dissertationem, in qua si decisionem memoratarum Quæstionum quæris, invidiam nobis facis, majora de nobis sperando, quam totum Medicinæ ævum hætenus ferre potuerit; si exigis, iniquus es. Si vero reliquam Thesum harum firmitatem scrutari libuerit, ex propria prudenti, aut collata plurium Expertorum prudentium Observatorum, Experientiâ, Practicus, aut ex Practicis, libere arbitrare.



DEUS autem TER-OPTIMUS TER-MAXIMUS, qui solus & vulnerat & sanat, posteriori tamen huic operi, Medicos tanquam Medios adhibere non dedignatur, in hoc nostro proposito clementissimè nobis adsistat, ut tum præsentem, gravissimam sane, ab ipso immitti solitam plagam, tum concessam ejus congruam deligationem & delinitionem, præcipuè in Sancti NOMINIS ejus & Formidinem & Gloriam, decenter exprimamus.

## PARS I. THEORETICA.

### SECTIO I. HISTORIA MORBI.

#### Cap. I.

#### Morbi Essentia.

**F**EBRIS PETECHIALIS alias *Purpurata, Peticula, Puncticula*. Tralalitus ferè, frequenter tamen per se quoque exsurgens est morbus, & appellationem hanc specificam accepit, *Purpuratae, à maculis* purpureis, interdum nigricantibus & lividis, quæ quia communiter *morsus pulicum* vestigia (excepto tamen horum Centrali puncto) referunt, ab Italis *Pedechie*, corrupte *Petechie*, & *Peticulae* potius *pediculæ* latinè, appellatae sunt. Germani vocamus *das Glect-Sieber, Pedecken*.

Non occurrit similis nominis diversus Essentia affectus; Maculosæ quidem malignæ febres, in Praxi non raro observantur in puerperis, præcipuè scorbuto, & maculis scorbuticis purpureis alias chronice obnoxiiis, à Lochiorum suppressione, quæ tamen à præsentì nostra tum protuberantia quâ hæ carent, tum gradu malignitatis, tum contagio, & ipsâ causâ, differunt; in istis enim Ecchymata illa potius sunt tenuissima quædam portio stagnantis impetuosè Ichorosi



Lochiorum Sangvinis. In nostra vero, aliud longe quod infra patebit; Cæterum his Febres, *Purpuram Puerperarum*, appellare solemus.

*Petechiali* autem Febre correpti alii manifeste febricitant *ab ipso initio*, alii minus quidem vel calorem vel frigus sentiunt, aut ulla notabilia in pulsu vel urina febrilis æstus signa exhibent, tanto impetuosius vero incrementa tale initium sumit, & calorem sanguinis intensum, *pulsu, habitus corporis æstu, & siti magna*, prodit.

Neque hic calor toto morbi decursu ad naturalem usque teporem remittit, sed solo gradu, *semper tamen præternaturali*, variat: Si vero illud contingat, citra ægri euphoriam quin, potius cum deterioratione gravissima, in mentem veniet Hermocrates ille apud Hippocr. 3. Epidemiorum Sect. 1. ægr. 2. qui a die 20. ad 24. a febre immunis apparuit, 26. interivit.

Hæc ipsâ vero *continuitate* Caloris, tum corrumpentis tum depascentis, diu affligere morbus hic non potest, sed breviori temporis spatio aut superari debet, aut superat: Prioris initium frequenter *quarto* natura facit; debilior, aut si paucior sit materia, *septimo*: ultra hunc ubi differtur eluctatio & excussio, in ancipiti spes est, si reliquum debilitetur æger.

Summè enim sanguinis substantiæ, (& eò ipso Animæ actionibus, quas hoc Nobilissimo organo præstare debet,) nec raro hujus medio, solidis quoque partibus, quæ illo multo & tenui perluuntur, summe infesta est *causa* hujus morbi *specifica*, unde tam varias, atroces omnes, & vitam periclitantes, turbas, in corporis Oeconomiâ tum vitali tum animali concitat, ut ipsa sæpe Ratio ad illas horreat, & in diversa rapiatur. Nec talia saltem concitat, sed & *plura & gradu graviore*, quam in aliis plurimis coeterum sub eodem genere, *Malignitate*, comprehensis morbis, vel tot vel tanta occurrunt, *Peste* propri-



præsumè sic dicta excepta, ad quam hæc Febris proxime accedit, & in eandem frequenter concedit, ita quidem ut raro ulla pestis invalestat, quin in diversis subjectis hanc febrem vel comitem vel vicariam, una secum circumducat, vel præcessorem habuerit.

Nec vero otiosum & sterile, sed summe foecundum est hoc malum, & in longum latumque *disseminatur & propagatur*, unde vix decimus quisque impune agris conversatur, aut vestes, lectum, aliaque halitu, aut salivali ipsorum humiditate, inquinata, in usum suum trahit, quin eundem morbum in se quoque propaget, præcipue si scorbuticâ floridiori, & acriori Cacochymia, aut recenti timore & horrore, sese prædispositum malo seminio offerat.

Si verò actu obsidens morbus, vel Naturæ constantioris impetu, vel Medicamentorum directo aut indirecto occursum enervetur & ejiciatur, *quarto, quinto, aut septimo die, causa morbi continens cum transpiratione insensibili, aut sudore sensibili, ad cutem ejicitur, ubi maculas roseas, modo saturate purpureas ad nigredinem quasi obscuritate declinantes, modo lividas* format; easque jam paucas & magnas late diffusas, jam multas minores. Totum quidem Corpus sæpè sparsim obsident, frequentius tamen ad minimum frequentiores, plures, & saturatiores, *in pectore, Cervice ac dorso, & Lambis* apparent. Tum vero, si circa *Dietam & res non naturales* bene se gerat æger, expulsæ maculæ pededentim sequentium dierum spatio pallescunt & evanescunt, *cum vel sine pruritu, squamea scintilla cuticulæ, aut pustulis interdum efformatis, & ita feliciter solvitur morbus.* Quando autem vel pauca expelluntur, morbo tamen magno; vel expulsæ cito retrocedunt, aut livido, nigricanteque colore apparent, aut *symptomatice*, i. e. vacuis aliis diebus, aut nimis cito, ipso tertio v. g. extruduntur, ob intempestivas naturæ fatigationes, & gravis irritationis

*suæ*



suspicionem, communiter aut extreme anceps, aut funestus eventus subsequuntur.

Hæc omnia recte colliguntur summariter in talem ordinem: FEBRIS PETECHIALIS seu PURPURATA est morbus intemperiei calidæ continuus, acutus, malignus & subinde pestilens, ac contagiosus, efflorescentias cutaneas macularum rubrarum facie, pulicum morsus similitudine, critice excludens.

CAP. II.

## Morbi accidentalia seu Symptomata communia.

**S**ymptomata in hoc morbo, quæ cum aliis communia habet, sunt vel *Febris absoluta, vel malignæ*, accidentia. Cum vero Symptomata nihil aliud sint, quam *lesiones actionum*; actiones sub triplici classe *vitalium Animalium, & Rationalium* comprehendi soleant: ad harum ordinem, plerasq; quæ in nostro affectu vitari solent recensebimus.

In *Vitali* itaque primus est *Pulsus frequens, celer, & quantumcunque fortis*. Licet enim *sub initium* non raro plane naturalis appareat, illa tamen malefida est morbi latitatio, & crescente atque stante eodem, facile mutatur, nisi summa sit malignitas. *Intermittens* in graviore malo, & ancipiti, occurrit, aut ubi quis dolor gravior decumbentem urget.

*Respiratio brevis & frequens*: Interdum, præcipue si vel male excludantur, vel exclusa retrocedant *Stigmata difficilis, anhelosa*.

*Appetitus prostratus, & subinde non modo non petens, sed fastidiens alimenta*. *Sitis* vero intensa, modo cum intensa febre, modo citra eandem: Corporis habitus *emacrescentia*, das Fleisch fällt hinweg, der Krancke nimmt ab. *Alvus* frequentius adstringitur, interdum in fluxum concitatur, labascente naturæ constantia. *Transpiratio* non raro valde



de imminuitur, ut alias quoque in sudorem pronis, nulluse-  
manet. *Deglutitionis* quoque Instrumenta, & horum limi-  
na, *fauces*, ubi magnus est *æstus*, exsiccantur, inflammantur;  
accedit *oris siccitas*, *linguæ asperitas*, *crusta & vitiosus co-*  
*lor*, *saliva glutinosa*.

Ex *Animalibus* actionibus *Motus vitalis* & voluntarius,  
primo læditur *lassitudine*; secundo *alienatione*, ut citra volun-  
tatis concursum, & contra ordinem non raro fiat. Hoc qui-  
dem Interioribus corporis partibus unde *Vomitus*, *Colicæ*,  
*Diarrhææ*, *Singultus*, *Cardialgiæ*: illud in exterioribus, artu-  
busque unde *motus convulsivi*, præcipue in minorentibus ali-  
as malo obnoxiiis. Cæterum ipsa quoque *jectigatio & in-*  
*quietudo* multum exercet ægros. Observata quoque à maculis  
in brachio denudato retrocedentibus, membri *Paralysis*. Sen-  
sus *Tactus* præcipue patitur innominato & universali quodam  
*dolore*, es thut ihnen alles wehe, aut particulari tensivo, vago:  
vel acuto & lancinante fixo, in primis *Capitis*: *Visus* præsertim  
in graviore malo & imminentibus convulsionibus, colores o-  
culis obversantes concipit; oculi ipsi *torvi*, *protuberantes*, *se-*  
*rotes*, *deliria* antecedunt: *Sicci* vero & *nitidi seu splendentes*  
in magno *æstu* apparent. *Gustus* circa sapores non raro fal-  
litur, ut insipida, amara, tetra, pronunciet, quæ talia non  
sunt.

Alterativa quoque sensoriorum & sensitivi Principii re-  
fectio, *Somnus*, vel nullus est, vel laboriosus, jactabundus, &  
somnia modo fatigantibus modo horridis plenus. *Vigiliis*  
vero continuis & inquietis plurimum inquietantur hi ægri,  
quæ æstu & jectigationibus continue foventur.

Imo ipsa *Rationalis facultas* plurimum in his affectibus  
patitur; modo *moralibus erroribus*, tristitia, sollicitudine, &  
omni morbo tristiori, metu & formidine mortis: modo *Phy-*  
*sicis* interversionibus, *Deliriis* plusminus violentis,



## SECTIO II. PATHOLOGICA In Causas dictorum inquirens.

**H**istoriam Morbi hæcenus absolvimus; Proximum est, ut rationem successivarum illarum mutationum, quales vel in morbo, vel cum morbo evenire diximus, quæ ita potest probabilitate, reddamus, i.e. in causalis dependentiæ ordinem singula disponamus. Bonâ tamen omnium Lectorum pace fieri posse auguramur, ut morbi præcipuè causis intenti, *symptomatum communium* rationes prolixiores tunc o minus moremur, quantò facilius illæ partim ad ipsius morbi causarum normam, partim ad obvias causalitates specialiores, referuntur, & in omnium propemodum *Februm Historiis* prolixè deductæ reperiuntur.

In ipso itaque morbo nostro considerari meretur *Causa Efficiens: Subjectum: utriusque activitas, seu actio, & Receptivitas sive Reactio: & inde resultans Effectus.*

EFFICIENS est I. PROXIMA & IMMEDIATA, *substantia toti naturæ contraria; incertum verò ob quamnam in specie qualitatem) penetrans, & summè activa, omnes corporis actiones, & denique ipsam vitam, evertens, si Naturæ robur, vel quantitate, vel qualitatis suæ eminentiâ, subjugare possit. Materialiter* est subtilissimus, & ad conceptum sulphureo salinus, fermentescens, halitus, seu vapor, id enim astruit *contagium* ejus, quo ab uno corpore in alterum, nō tam transfertur, quàm multiplicando propagatur; salino sulphurea verò consistentia probabilis fit à collatione omnium substantiarum, quæ in communi naturæ cursu tum magnæ *activitatis*, tum facilis *fermentescentiæ* & multiplabilitatis sunt, utrumque verò hoc de se testatur hæc substantia, tum *motu*, tum *contagiosa* sui propagatione.

MEDIATA PROXIMIOR est *Cacochymia Scorbatica Bilioso sanguinea*; Talis enim chronicâ sua infestatione modo nō similes exhibet maculas, de quibus vid. *Schweizer. Tr. vitul.*



*Aureus*, ubi annotat talibus chronicè obnoxios, Pests tempore Anthracibus occupari: & *B. Ettmullerus in Prax. de affectibus Puerper.* ubi foeminas scorbuto aliàs inquinatas, Lochiis non rite succedentibus aut suppressis, præ reliquis in Febrem purpuram (à nostra tamen differentem) dilabi observat. Sanè in tali materia facile fomitem contagium præsens reperit, aut biliosa acredo, quacunque causa occasionali febriliter emoto sanguine, per se in volatilem tenuitatem ex aliqua parte resolvitur, & reliquum sanguinem resolvere occipit,

*Remotiores* causas ex rerum naturalium & Non-naturalium censu sollicitè exequi non libet, cum has cum omnibus febribus communes habeat, suffecerit itaque paucis eminentiores tetigisse. E *Naturalibus* itaque *temperamentum sanguineum ad biliosum declinans, ætas, præcipuè media, corpora aridiuscula* præ aliis periclitantur. E **NON-NATURALIBUS**, morbis favet *Aer Austrinus, tempestas vappida, inconstans, aer stagnans, ociosus, parum eventilatus, aut paludosus quoque, vel purridis halitibus cadaverum infestus. Cibi aromatibus calidis immodicè conditi, potus hordeaceus & vinosus confusè ingesti, aut vinosus generosus tempore aut corpore æstuante. Motus nimius corpus in æstum diffundens, aut quies imprudenter huic superinducta, præceps. Vigiliæ multæ & cogitabundæ, somnus inordinatus. Ex animi Pathematis ira præsertim stigmatè notari debet, mala similia in dispositis socia opera concitare aptissima, utpote quæ aliàs etiam febrem eccriticam brevissimæ terminationis, sanè consideratu dignam, Erysipelas, in momento inducat. Tum verò terror & horridulus metus contagio viam latam pandunt. Excretiones sanguinis vel Naturalis in sexu foemineo, vel consuetudinales in Masculino, Cacochymicis individuís, neglectæ. Sudoris immodesta concitatio, & repentina suppressio. Transpiratio inæqualiter sufflaminata. Alvinae feces diutius retentæ.*

**SUBJECTUM IMMEDIATUM** affectus hujus maligni quæ talis, agnoscimus *spiritum vitalem* (illo nempe sensu, quo



D. D. Præses in Diff. sua de Sanguificatione eundem notavit, & disertè speciali Dissertatione deducit Excell. Rivinus) idq; propterea, quia primarius hujus morbi effectus, sunt actionum Principalium turbationes gravissimæ, vagæ, temporariæ, & hoc ipso non tam ab organi per quod, quam principii à quo, administrantur, labefactione dependentes.

*Mediatum* verò Subjectum *sanguinem* censemus; Licet enim hic in ipso quoq; morbi initio, per omnem conceptum, Materialiter foveat seu secum vehat revehatque causam mor-  
bificam; quo ipso etiam *Subjectum Causæ* aliquibus audit, reve-  
rà tamen non illicò ab eadem afficitur, unde vel *virium extre-  
mæ defectiones* lipothymix, seu *vitale* Animæ officium ever-  
sum; vel *deliria, vomitus, anxietates*, seu *Animalis* & respectivè  
Rationalis functio, concutitur, *pulsu & urina* interim sanis.  
Imò verò non leve oriri potest dubium, an *intestina Sanguinis  
agitatio*, à qua tum *calor* tum *calor* tum *localis motus* augetur,  
ab illa causa morbosa ut *effectiva*, an merè ut *impulsiva*, depen-  
deant, i. e. annon ipsa Anima potius tantò intensius exagitet  
M. S. seu destinatò concitet Febrim, eo fine, ut sibi adversam  
substantiam susque deque rapiat, ne fixam & quietam Sedem  
alicubi figere, & malitiam suam in ipsam exserere possit, do-  
nec tandem crassius compacta, aut tantillo sanguinis affixa, ad  
egestionem & exterminium prorsus habilitata sit: Sanè *critici*  
illi impetus & *indicatorii* animæ conatus; tantum huic rei au-  
toritatis affundunt, ut ubilibet fere utantur illis formulis: *Na-  
turam irritari* ad expulsionem; intempestivè moliri eandem  
v. g. in *expulsionibus symptomaticis* &c. Tanto probabilius  
hoc videtur, quod impetus tales *statis* semper *diebus* fieri so-  
leant, quod vix contingere posset, si à *sanguinis corruptione*.  
Periodus hæc deduci deberet, quam diversa causæ morificæ  
activitas, diversam tempore, i. e. alia citius alterà, inducere de-  
beret, unde tam statuta Periodus fervari non posset; idem de  
Subjugatione & inversione *causæ morificæ* videtur, quum  
hæc activitate & incoercibilitate diversæ sint, unde vix in o-  
mnibus



omnibus eadem *temporis* ratio haberi posset. Cum tamen in talibus ultra suspicionem vix ulla firmitas sperari queat, dubium hoc pro indubio obtrudere nefas arbitramur.

Damnetur itaque *sanguis* ad *secundas* poenas, quæ sanè graves sunt, cum ejecto etiam hoste seu agente causa jamjam toto corpore exulante, hæ adhuc durent, i.e. *Febris*, *exclusis jam & evanidis Petechiis*, adhuc tamen tantillum duret. Cæterum ipse habitus corporis exterior, *cutis*, à causa hac morbifica quoque polluitur, quando *macularum* formam extrusam recipit: rarius tamen, nisi magna ejus sit malignitas, notabilem noxam, v.g. *erosionem*, *absessionem*, *gangrænodem* *mortificationem*, ab ipsa patitur, sed per poros tantum sui, pededentim erumpere solet.

*Modum agendi* tantumdem, quantum ipsam veram *Essentiam agentis* ignoramus. Unde licet videamus *horrorem Animæ* ad hujus substantiæ consortium, quo tamen *speciali* modo illa afficiatur, turbetur, confundatur, incomprehensibile est. Sicut enim in Mercurio sublimato deleteria illa, cum gravissimis symptomatis, activitas, nequaquam sufficienter à corrosivitate deducitur, cum Aqua fortis licet longè magis corrosiva, quàm saturata hæc substantia Vitriolica, similes ferales effectus non edat: Nec ipsa *corrosio*, tanquam solutio continuitatis ventriculi, hos effectus, quæ talis, edere possit, quin ad peculiarem & occultam hujus contrarietatem confugiendum sit: Ita licet ab effectibus, *colliquativa*, *fermentativa*, *putredinosa*, *gangrænodes*, appelletur hæc materia, his omnibus tamen qualitatibus turbas illas, quas à *malignitate* derivamus, non edere exinde certum est, quia ut dictum, potiores tunc maxime accidunt, ubi nondum in sanguinem agit, aut agere denuò, pessimo indicio, definit, in medio fervore, *diebus infidis*, & cum *mutatione sensibili in pejus*.

*Modus vero reagendi* ille videtur quod *spiritus vitalis* quocunque risu elidat aut intricet materiam morbificam in M. S. quam illa activitate sua semel in actum deducta, agitet & inte-



stinè fervefaciat, non aliter quàm summè mobilis materia v.g. *oleosa* corpora aliis liquidis interspersi, eadem in intestinum motum, quem *fermentationem* vulgo vocamus, corripunt. Cum verò liberius agat anima, hostili materia alicubi irretita, hujus sanè energiæ tribuenda *Critica* ad superficiem corporis elisio, quâ ex *sanguine* quoque substantiam hanc seu causam morbosam extrudit. Interim & hic occurrit notabilis illa, difficultas, quâ obscurum redditur, si motus intestinus & depravatio seu intensio hujus in sanguine dependeat & excitatus sit à causa continente morbi, quodnam sit illud medium, quo Spiritus Vitalis causam, hanc ex Massa Sanguinea, in quam ille nunc dominatur, ipsa verò parum Juris habet, ejiciat & extrudat. Cum è contra statim concipi negotium, possit, si supponatur animam ipsam, pro extrusione & subjugatione exitiosæ, non tam sanguini quam sibi, substantiæ, sanguinem tantò magis impellere, & hoc modo denique expellere.

EFFECTUM causæ morbosæ quod concernit, est hic, ut supra insinuatum, *summa Spiritus Vitalis perturbatio & confusio*, quâ ille modò in energia Vitali deficit, unde *Lypothymia & Syncope*: Modo in motus perficiendi sancto & secreto alioquin, constantissimo ordine errat, unde *motus convulsivi, Cardialgiæ, Vomitus enormes*; modò impar est operi, unde *Lasitudo* & membrorum quasi *imbecillitas*; modo denique circa ipsam *Rationem* violatur, quod *anxietates, Deliria, furor*, tristi testimonio confirmant.

MEDIUS, nisi mavis *mediatus*, est Massæ Sanguineæ agitatio & fervor, quatenus vel aliquam *colliquefactivam* attenuationem & resolutionem eidem infert, miscelam ejus gelatinosam, mucoso-oleosam destruendo, cum propriâ sui, cum inducta, salinæ feri parti, *acredine* penetranti, & ita *Physico* influxu; vel magis *morali*, animam ad extremum hoc remedium, nempe Instrumenti sui, M.S. abusum, necessitando.



Postremus vero causa hujus morbificæ effectus est macularum illarum punicearum acies, quas quidem non tam corruptionem ab illa emanantem, quàm ipsam ejus substantiam, cum tantillo tamen sanguinis valde tenuis sociatam, arbitramur esse. Quod ut credamus, duo in specie nos persuadent. Primum quod maculae hæc retrocedentes, morbum renouent, infallibili propemodum thesco nostræ fundamento. Alium, quod hoc præcipuè tempore, ubi exclusæ maculae benè successivè disparent, frequentius inficiantur eodem contagio sani hætenus conversantes, ob exhalens videlicet substantialiter pessimum illud virus & in plura corpora conferm & liberè sese insinuans.

Symptomatum communium rationem reddere non modò congruum, sed omninò de absoluta necessitate in hac Dissertatione nequaquam est, ut cum eadem potius potiora accidant febri, ut, sic, nam Essentialiter inherencia & propria adeò, ab effectibus modò recensuimus.

Paucis itaque summa Capita sub quibus singula hæc cauter continetur, tangemus. Sunt autem hæc 1. Sanguinis temperies, vitium in motu intestino, æstus: 2. Eiusdem motus localis citior, seu vitium in motu locali: 3. Commeatus continuus ex arteriis in Venas vitiatus, stasis seu vitium in Si-: 4. Expiratio & Difflatio Parenchymatica substantiæ, quæ musculorum fibrosam texturam interluit.

A primo dependent totius exæstuatio, Sitis, Oris siccitas: secundò pulsus frequens, celer, respiratio proportionata reuis & frequens: A tertio, Oppletiones Capitis, inflammationes meningum, aut ventriculi etiam aliorumque Intestinorum quæ eadem in Ardentibus etiam simplicibus, tum Pleuritide, febribus Vulnerariis, præcipuè quæ vulneribus Capitis superveniunt, accidere non rarò solent) unde Dolores Capitis, Phrenitis, Vomitus, Diarrhæa, Hemorrhagia, Colica, Singultus. A quarto, subsidencia & emarcescentia, &c.



## PARS II. PRACTICA.

**U**T Imperator antequam in hostem copias educat, de *vi. statione motu*, præcipue vero de *Consiliis* adversæ aciei certus esse nititur; ita Medicus, antequam subsidium periclitantis Naturæ Medicamentorum turmas Morbis opponat, non modo *speciem morbi, magnitudinem, tempus seu ætatem, motum, & hujus modum*, sed & *modum* sollicitè circumspicit, Auxilia sua his omnibus ordinatè obijcit, ne quicquam præposterè, quicquam inutiliter, agatur.

METHODUS MEDENDI destinata est hisce Consultationibus, quæ tum ex *Generalibus* tum *Specialibus Morbis & Subjecti* cujusque circumstantiis, tanquam *Indicantibus* quid agendum, seu *Indicationes*, agnoscit. Cum verò *duple* sit morbi consideratio vel ut *imminentis* aut modò obrepentis qui *præservatoriam* Indicationem format: vel ut jamdum *altius innidulati, & in actum deducti*, partes corporis & actiones actu corrumpentis, qui *Medelam & Curationem* urgeat. Hoc quoque ordine præsentis Affectus *Indicationes* exequemur *quid nempe & quomodo* agendum: *Media specialia* denique & quæ ex illorum operatione *sp* affulgeat, sub calcem offerendo.

### SECTIO I.

#### ART. I.

### De Indicationibus Generalibus, Conservatoria, Præservatoria, Curatoriâ Generali, Symptomaticâ.

**C**onservatoria quam *Vitalem* appellant Indicatio, *vires* tanquam *rem naturalem* quantum possibile, *conservare & roborare* jubet; Cum enim actio Medicamentorum vix proficua sit, nisi aut à *Spiritu Vitali* in actum deducantur, aut ad minimum nisu illius socio sublevantur, a

hu



hujus energiam qualemunque conservandam summa cura dirigenda. In tota profecto Praxi, qui *Vires* negligit, vel perdet ægrum, vel non nisi periclitatum, valde debilem, diutissime languentem, & in quamcunque aut recidivam aut novam occupationem pronum, servabit. Tanto magis, quod in hoc præcipue morbo, totus impetus in ipsum *Spiritum Vitalem*, tanquam Subjectum, dirigatur, qui, si hunc *robustum*, aut sub-  
sidiis sufficientibus *refectum* offendat, tanto minus noxæ ei-  
dem inferre poterit. Absolvitur autem hæc Intentio *Corro-*  
*boratione* primario, secundario *Rerum Non naturalium* justo  
moderamine, & symptomatum defatigantium oppressione,  
de quibus ex instituto in sequentibus.

*Præservatoria* Indicatio *Morbificæ causæ* vel *contactum*  
vel *actum*, elidit. Illud in malo *imminente*, hoc in *invadente*.  
*Prius* optime perficitur *absentia*, aut ad minimum rerum *cor-*  
*pori & animo non-naturalium* cauto regimine, & hoc quidem  
*Physice*; *Medice* vero *alexipharmacis*: *Posterius* & his & simul  
*sudoriferis*, ita quidem, ut illis obtundatur activitas causæ, his  
ipsa edomita ex toto corpore proscribatur. Ita tum *Petechias*,  
tum similes *malignas febres*, ipsamque *Pestem*, medicamento  
*cordiali alexiterio & Diaphoretico* sub una eademque formu-  
la, in *Primo plane conatu* feliciter debellatas, publicæ privatæ-  
que Practicorum sententiæ comprobant, & quotidiana in  
Contagiosis experientia hoc confirmat, modo Medicus talia  
moliturus, in *ipso initio*, matureque consulatur.

*Curatoria Generalis* partim τὸ *Agendum Generale*, par-  
tim *modum agendi Generalem* declarat. *Curationem* scilicet,  
i. e. *Morbi ablationem* peragi debere suadet; fit autem hoc  
vel à *priori*, *Causæ* sublatione, ne ulterius nocere queat: vel à  
*posteriori*, correctione *effectus* quem illa edidit: *Prius* vocant  
*Præservatoriam Curationem*, tanquam à priori ordientem, sed  
non nisi lato sensu; & sane hæc Curatio in omnibus *Morbis*  
*cum Materia, seu causa continente*, occurrit. *Modus* vero a-



*gendi Generalis*, præmittitur *mediis specialibus*, & illorum energiae viam sternit, ac absolvitur hoc loco remediis ita dictis *Universalibus*, quæ licet morbo *directe* nihil emolumenti conferant, *indirecte* tamen id præstant, quatenus remediis seu *Indicatis specialibus* omnia planiora & faciliora tradunt. Sicubi vero hæc eadem plana jam tum deprehendantur, hæc quoque *Indicatio* per rationem fatiscet.

**SANGUINIS MISSIO** itaque tanquam prima ex *universalibus* illis præfidiis indicatur à *Plethorico* habitu; cum enim Sanguis vasis infarctus non modo *agitationem* sufficientem *intestinam* opprimat, sed & violentis agitantibus *turgescit* patentiora quævis irruat, unde v. g. ab exhibitis in decursu morbi *Diaphoreticis*, *rarefacientibus*, *expulsivis*, ebulliens, modo pulmones ac *præcordia opplet*, modo membranulas patentiores rumpit, & *hæmorrhagias* intempestivas, hinc inde, pro diversitate Sexus, concitat: modo *eruptionem macularum* moratur, quatenus vel interiorem Cutis parietem ejusque *porulos comprimit*; vel *nimis spissus* tenuiorem quoque illam portionem, cum qua Causa continens egeri debebat, implicat: vel denique quantitate nimius, motus intestini Circulum ultra consuetum tempus diducit, cum nempe *magna Humoris copia*, eodem tempore quanto parva, per omnes *sui partes*, nequaquam subigi possit. Præsertim vero Medicamentis, quæ in hoc & similibus affectibus vel ex se, vel ex collisione cum causa morifica, *turgescientiam* inferunt, talis, modeste tamen, evacuatio, ut dictum optime subvenit, modo sub ipsum *Primum morbi Principium*, & in supra dictam *Indicationem*, in usum vocetur.

*Primarum viarum Repurgatio*, per *superiora* vel *inferiora*, vel *utrumque*, duplex quoque commodum habet. *Sordes* in Intestinis collectas, & adstrictionem alvi (quæ talibus febribus, fidelius agentibus, propemodum comes est) infido tempore turbare aptissimas, eliminat. Si enim *Cruditates* in Intestinis stabulentur, alvus autem uno alterove die ab ipso morbo sistatur, facile cruda hæc substantia intus detenta acescit, aut  
in pu-



in putrilaginem ruit, intestinaque a terutro irritat, ut pro illis ejiciendis conitantur, cui scopo humores Corporis serosi succurrunt, & facillime causæ Morbosa in Humores, ut supra dictum jam nunc immersa, ad has denuo intimiores corporis partes derivatur, nervosam in ipsis disseminatam Substantiam, & ipsam membranaceam illis propriam, inficit & corrumpit, unde *singultus seu convulsiones Intestinae in Universales* proxime transituræ, subsequuntur. Deinde medicamenta quoque *fixiora* Bezoartica & sedativa tanto citius & certius destinationem sui attingunt, si è primis viis acidæ viscidæque superfluitates, quæ remedia hæc invertere aut intervertere potuissent, subactæ sint. Sed & hic *tempus tempestivum* quam maxime expendendum, & ἀνταρτικῶν exhibitionem ad vires patientis, aliaque permittentia, conferendam esse, secundum modo dictas circumstantias, sedulo monemus.

*Perspirabilitas* vero Cutis, tum & *Motus humorum* ad eandem, ab *Expellentibus interne* impellendus, *externe* mirum quantum adjuvatur tum *fotu* calidorum lectorum in genere, tum in specie *Friktionibus*, vel prorsus *sensilibus & rubefactoriis*; cum vero talia in ipso jamjam decursu & statu morbi, à Speciali etiam Indicante, exigantur, ad sequentem articulum eadem reservamus.

*Symptomatum* inordinatus impetus, omnes Spiritus Vitalis bonas destinationes turbans, *Sedativis* sopiendus vel generalioribus, vel cuilibet in specie aptioribus.

## ARTIC. II.

### De Indicationibus Specialibus, Alterativa, Expulsiva.

**D**UO potissimum in morbo hoc notabiliora supra insinuavimus, *Morem & Motum*, quorum prior *Malignitatem*, hic *Efflorescentiam* cutaneam offerunt.

*Malignitatis* autem gravissimæ indicatio urget opposi-



tionem *Bezoardicorum*, idque ex parte *causæ*: ex parte *Subje-  
cti*, *cordialia* & *Roborantia* quæcunque exploratiora. Si enim  
non modo *causæ* energia supplantetur, sed & *Subjectum* pati-  
ens firmetur & veluti obduretur, *Actio* tota si non plane suf-  
flaminetur, multum tamen enervabitur, & hæc *Indicatio* tan-  
quam *Princeps* cum omnibus reliquis semper junctim atten-  
datur.

Peragenda vero hæc *Indicatio* cum adjunctione *lenium  
Diaphoreticorum* seu sanguinem eventilantium, *Alexiphar-  
macis* jungendorum, quæ enervatæ plus minus in arteriæ mor-  
bificæ viam in sanguinem non modo pandant, sed & Sanguin-  
em ipsum in alacritatem concitent, ne in *coagula*, *grumos*,  
*viscedines*, *acores*, cogi aut converti queat; Ubi simul *per-  
spirabilitas* corporis totius, pro subsecuturo motu *Periphe-  
rico*, in continua bona dispositione conservetur. Interim ad  
*æstus* comitantis *gradum* bene attendendum, qui si ipse *ma-  
jor blanda* tantum sudorifera seligenda sunt: Si *levior*,  
paulo quoque penetrantiora tolerantur, utrinque tamen re-  
fracta tantum dosi sub initium, exhibenda.

*Motum* quod concernit, est hic vel *generalior*, *Criticus*:  
vel *Specialior*, *Exanthematicus*, seu ad *Peripheriam*: Ille  
tempus & opportunitatem agendi, hic *modum*, indicant.  
Quoad *prius*, expendendum an *gravia symptomata*, & præ-  
cipue *virium lapsus* & *anxietates* *graviores* *magnitudinem*  
morbi; an vero hæc utraque *leviora* ejusdem *remissiorem* *grā-  
dum* testentur: Ad communia quoque *symptomata æstum*,  
præcipue *fluxiones symptomáticas* advertendus animus, ne  
illæ vel *irritent immaturos*, vel prævertant & enervent *matu-  
ros criticos* conatus. His omnibus bene examinatis, pro di-  
versitate imminens *Criseos*, diversa quoque velocitate ab  
*Alterantibus* ad *expellentia* promovendum, & *symptomatum*  
*Exacerbationes* tunc obvenientes, ex hac *Prænotione* Pau-  
lo securius spectandæ. Quoad *posterius* autem, *tria* in men-  
tem revocanda, (1) *Motus* ab interioribus ad *Peripheriam*,  
(2) *Motus* hujus *instrumentum*, (3) ejusdem *terminus*. *Primus*  
indi



indicat *Lenia Diaphoretica, & Expellentia*: *Secundum* indicat legitimam sui & *quantitatem*, ne impedimenta supra allata inferat, & *qualitatem*, cui *Rarefacientia, Ventilantia, Incidentia* succurrunt, ne hostilis materia turmæ in transmissione corruptelam aliquam inferre possint. *Tertius*, indicat *Attrahentia, Frictiones, Vesicatoria, Concurbitulas*, quæ omnia motum humorum ad exteriora juvant & quasi provocant.

### ARTIC. III.

#### Indicatio Symptomatis urgentis speciatim.

**P**Otiora Symptomata specialia sunt (1) *Evacuationes Symptomaticæ*. (2) *Æstus*, (3) *Sitis* (4) *Dolores* (5) *Inquietudines*, *Vigiliæ*, *Deliria*. (6) *convulsiones*. Vires enim prostratas & Lipothymias ad malignitatem potius una referendas censemus.

*Evacuationes* in primo morbi principio, nisi immodicæ sint, & cum nimis conatibus conjunctæ, atque ita utrinque vires periclitentur, modeste reprimendæ: Quæ in *Progressu aut Statu* contingunt, ne conatus Naturæ *Criticos* laudabiles vel interrumpant vel prorsus alio avertant, quocunque possibili modo opprimendæ: utrinque ad *causam* bene attendendo. In initio evenientium causa est, modo *miasma morbosum oretenus*, vel cum saliva, cum cibo, haustum: quod itaque *Spiritus vitalis* ex ipso atrio extrudere his evacuationibus conatur; modo merus ejusdem *Spiritus vitalis erroneus motus*, ubi jam tum altius inhæret, & illum ipsum oppugnat malum. Prius colligimus ex vomitu vel *Diarrhæa viribus adhuc parum motis* superveniente, *Posterius* ex *Contrario*. In *progressu* Evacuationes tales modo fiunt à *fecum* ipsarum justo diutius suppressarum corruptione; modo à *materiæ morbosæ retrocessione*, aut neglecta intra M. S. ejusdem mora. Prius cognoscitur, si ex statu reliquo nihil mutatum appareat, præcipue ex bene succedente; item si *tormina & Colicæ*,



*ce, singultus*, non urgeant: *Posterius* si hæc contingant, aut *maculae* cito evanuerint. *Indicationes* pro *causarum* harum duplici differentia sunt vel principaliter *statoriae*, cum *secundaria* intentione ad *malignitatem*, in utrinque prioribus: vel *primario Alexipharmacæ*, in utrinque posterioribus.

2.3. *Æstus nimius* & *Comes una Sitis, refrigerantibus & acidulis* temperantur. Si vero cum *multo æstu* nulla cohæreat *sitis*, malo omine, illius tamen justæ provocatio, potu spontaneo occupanda. *Æstus* præcipue contra indicat *sudoriferis & Alexipharmacis nimis calefacientibus*, &, ut vocant, *fumosis*, sanguinemque, rapide motum nimis *turgescentibus*.

4.5. *Dolores, Inquietudines*, & ipsa *Deliria*, optime distinguenda, an à *Causa Physica* perveniant, an à *morali*. Si illud, partim ut in *prioribus* causa erit *æstus*, & *sanguinis stases*; partim, ut in *Posteriori*, tum hæc, tum *malignitas* ipsa. Utrunque sublata *Causa* aut temperata, hæc quoque remittent. Omnia hæc à *morali* causa, *Impatientia, timore mortis* aborta, vix felicem esse sinunt medicum, nisi timor mortis *Patienti* simul *Superstitiosum obsequium* injunxerit.

6. *Convulsiones* autem in principio, *malignitatis* foetus sunt, præcipue in non assuetis; in progressu partim hujus, partim vero, ut in mala declinatione *Naturæ, Spiritus vitalis* ultima audentis. In priori partim ad *causam, Alexipharmacis* respiciendum, partim ad *Subiecta; Sedativis, demulcentibus antispasmodicis* temperatis.

## SECT. II. ARTIC. I.

### Remedia seu Indicata Sigillatim proponens, I. Generaliora.

**P**reservantia quæ cause contactum præoccupant, præter *absentiam localem*, sunt *suffumigia sulphurea*, præsertim *acida, aerem infectum corrigentia*, it. compositi ex similibus *pulveres venales*, quorum illi qui *Pauperioribus* destinantur, meliores sunt istis, quos pro *ditioribus* ordinant.

Quæ



Quæ actum ipsum suffocant sunt *Bezoardica* tum *acidula* *volatilia*, ut *Mistura simplex*, tum quæ optima intentione cum alexipharmacis balsamicis simul conjungantur, ut *theriaca cum aceto exhibita*, quæ præcipue valet, ubi *vomit* primi generis enituntur. In præservando autem & plurimis curandi scopis, *Polychresta* est TR. Bezoard. Exc. mi D. D. Wedelii, amœnit. M. M. p. 328. proposita. In *frigidioribus* quoque *Cervinorum* aut *viperinorum*, v. g. *spiritus C.C. viperar.* pro circumstantiis adjungi possunt *myrrhatis*, *Camphoratis*.

*Externa* erunt tum *noduli acetis bezoardicis* imbuti, tum *Præservativum illud Universale Dobrzenski*, videlicet *Salivæ* halitibus forte inficiendæ, ubi prope verlamur ægros, re-  
jectio.

In *Vitali* vero, *Cordialia*, *acetosa* præcipue, ut *caro citri*, *vinum Medice sumtum*, *Rubi Idæi*, *Berberum præparata*, locum habent: Tum *amuleta Gemmea* moralem ad minimum usum subinde præstitura.

*Universaliora* seu *generaliora* Indicata, V. S. *Laxatio* aut *Vomit*, vel *utraq*ue, in tempore, & in Subjectis congruis, quo nominatim *medio* peragantur, parum refert, modo posteriora hæc *modeste* operentur, & actu ipsorum peracto, leni *Diapnoico* affluxus humorum ad interiora, reprimatur.

## ARTIC. II.

### Indicata specialiora Malignitatis, Exanthematum.

**B**ezoartica optime seliguntur pro *febris* majori vel minori *intensione* conjuncta, quæ si *æstuet*, aut ante *æstus* vel *sitim* sensibilem, sub initium cum prostratione virium siccitas oris & labiorum oriatur, *ACIDULA Diapnoicis* juncta usum habent; Sunt è *vegetabilibus* *Pulpa citri*, *Rubi idæi fructus*, & *Aceta Bezoartica*, tum & præparata illorum officinalia, modo *Sacchari* moles nihil turbarum concitet. Ex chymicis *spiritus vitrioli*, aut *sulphuris*, cum *alexipharmacis*, *Balsamicis* jun.



junctim, unde *Mixtura Simplex*, in hoc morbo, præcipue in *Viris* & æstu majore, optima.

Si vero remissior sit æstus, locum habent radices *angelica* *Carlina*, *Contrayervæ*, *Scorzonere*, *Zedoariæ*. *Herba C. B.* *Scordii Scabiosæ*; *Ulmariæ*, *Calendulæ*, flores: *Myrrha*, *Camphora*, parce. Et paratæ ex his *essentiæ*, *Antidoti*, ut *Theriac.* *El. Diascord. Frac. &c.* una *Diaphoreticum* scopum executuræ; tum vero *Cardialibus* vel simplicibus vel compositis, v. g. *Perlis præparatis*, *Aqua Cinamom. horraginat.* *Syr. de Canell.* *Aqua cord. H. S. Alkerm. &c. &c.* interpositis.

In *Expellentibus*, considerato prius tempore agendi, quod in magno morbo 4. vel 5. dies, expulsionis ad minimum initiis destinatus, determinare solet, præter *Signa coctionis*, ex *Urina* speranda, scopo *expulsorio* directe inserviunt omnia *Diaphoretica*; Hæc quidem in statu morbi, id est, ab initio usque ad expulsionem, nequaquam negligenda, *leniora* tamen sunt, è quibus optima, *fixa terrea, C. C. c. vel s. ign. unicornu tum marinum tum soffile, terra lemnia, Bezoar, Antim. Diaph. & Bezoard. Miner. bene præparata, oculi Cancror. Corallia &c.* Tempore vero expulsionis non nihil *acriora, scabi sa, Scordium*, præsertim *Semina C. B. citri, Rutæ, æquileg.* in *Emulsiones* cum *aquis cordialibus & Syrup. Bezoardicis* redacta. Ex *chymicis spir. C. C. essentific. Liqueur. C. C. succin. Antim. diaphor. & Bezoard. minerale, majori dosi* data. Indirecte, & sanguinem disponendo, concurrunt eadem modo dicta *Volatilia urinosa, coagulationem & Visciditatem ac fermentatoriam ejus acescentiam præcauentia & corrigentia.*

*Externa attrahentia* partim *Vesicatoria* partim *Cucurbitulæ*, partim *Friktiones* esse possunt, pro *virium* robore, & eruptionis *spontaneæ* majori vel minori *pertinacia*; Memorabilis est *Indorum* quorundam à *Taverniero* descripta hac in re administratio. Erumpentibus maculis, ægrum, in lectum velamentis undique obseptum, quasi incarcerant, & singulas maculas bacillo



cillo aromatico ignito attingunt & adurunt, quo tum *fluxus* major ad cutim, tum materiae expulsæ aliqua *immutatio*, in specie *retrocessionis* metus, simul procurantur & caventur.

*Frigus* externum, & potus frigidi internè, antè omnia tum sub eruptione, tum post eandem sollicitè caveantur. *Inunctiones* verò aut *Friktiones* cum *unguinosis* minus securas esse arbitramur.

### ARTIC. III.

## Symptomata Urgentia.

**I**nter *Symptomata* graviora, *Vomitus* ob causam in primas vias initio admissam, *acetosis Bezoarticis*, *Nitrosis*, & fixis *erreis*: *Diarrhææ* tum his, tum simul *Bezoarticis sub adstringentibus*, *Pimpinellæ umbelliferae*, *Bistortæ radicibus*, leniantur. In progressu *Diaphoreticis Bezoardicis* fixis, cum Nitro & absorbentibus ad rosiones Intestinorum, junctis, *anodynoque* blandissimo accedente corrigantur. Optima quoque huic scopo sunt *Diaphor. fixa terrea absorbentia, terra sigillata alba, Corallia, animonium diaphor.* probè edulcoratum. Præcipuè *Externè* fotibus calidis ventriculi, *Crustâ panis, N.M. perfricta. Empl. Crustâ de panis cum linteis aut pulvinari calidis*, super applicitis: *Lapis Serpentinus*, aut *tegulae ollarum, caesæ*, abdomini imposita, *oleum N. M. Scrobiculo cordis & umbilico inunctum, Hemorrhagiæ, Criticæ*, ex nimia sanguinis, in corpore floridiori aliàs, agitatione, & *Symptomaticæ* ex eadem causâ, & *neglectâ unâ in principio V. S.* oboriri solitæ, aliquando urgent. In *priori*, ad tempus *Criseos* partim, partim *expulsionis* respiciendum. Si *Plethorâ* præsentè, neglecta sit *V. S.* & subsequatur *Hemorrhagia*, minus est periculi, & communiter bono conatu naturæ concitatur; secus si contrà. Si ex quâcunque harum circumstantiarum, colligatur quod sisti debeat fluxus, in *priori* casu potissimum, si fieri possit, *externis* agatur *sub adstringentibus*, aut *Sanguinis exstillantis emissione super lapides calidos*: *Hematidis* applicatione, *Smaragdi* appensione; in *Posteriori* tum his, tum *Nitratorum cum Bezoardicis* conjunctione, quibus nimia *Sanguinis turgescencia* aliquantisper componatur.



*Æstus & Sitis*, tum *acidulis mineralibus spiritibus*, præfertim *Clyff. antimon. Sulphurato, Spirit. Salis vel nitri dulcibus*; tum sub *tempus eruptionis, emulsivis actu frigidulis*: utrinque, *conditis v. g. Rubi Idai, Berberum, parcius Cerasorum fructibus, aciditate citri imprimis*, atteruntur.

*Dolores autem vigilie & Inquietudines*, partim *æstui* cessanti, partim verò *Anodynis* non tamen *æque Opiatis*, nisi refractâ dosi permixtis, manus dabunt. *Vigilie* tamen non vi opprimendæ sunt.

*Capitis autem graves dolores & Convulsionum metus*, optimè mitigantur *Cinnabarinis, unicornui vero, Cancrici oculis Cran. hum. præparato, sociatis*. Sin autem vel à *retrocedentibus maculis*, vel à *pertinacissima morbi eminentia*, succumbent naturæ superveniant, *expulsio* repetita tum *internis*, tum *externis præprimis*, & tum quidem quàm maximè *Vesicatoriis*, tentando, *cordialibusque*, quæcunque selectissima creduntur, succurrendum est, licet plerumque meliori conatu quam effectu id fiat.

*DIÆTA* qualis ordinariè in *Exanthematicis*, eadem hic quoque locum habet, illud animadvertendo, ut sollicitè singulis inhæreat æger, tantò magis quanto hæc febris reliquis atrocior est. Hoc videlicet eodem nomine *PROGNOSIN* quoque, utpote quæ præter *attentionem singularem*, à reliquis *malignis* nihil diversum involvit, speciatim huc adducere, brevitati, sufficienti tamen, intenti, supersedimus, ex notitiâ *Februm malignarum & Exanthematicarum* eandem supponentes petendam.

Summariter in hunc ordinem redigi possunt potiora *Dietetica* pro hoc morbo præcepta. (1.) *Cibos* tenues, nullas *carnes* assumat; in *statu* verò & sub *eruptionis* tempus, neque fastidiosos neque fastiditos cibos cogatur recipere, ne *Vomit* superveniat. *Potum* sufficienti quantitate nemo neget, ad 6. quin amplius usque libras *Nyctimeri* spatio; Summo tamen studio à *frigido* prohibeatur. Ita *Aer* etiam temperatus esto, non *frigidus*, nec tamen nimis *æstuans*, ne *anxietates* incurrat: *Liber* non adspiret. *Somnus* procuretur. *Epi-thematis* *frigidiusculis*, citrà *interna*; *Nimius*, vel superveniens



niens his, vel Spontaneus matrè à Medico tractetur. *Quies* quantum possibile fervetur, ne jectigationet nimix atterant vires, eventilent & refrigerent corpus. *Animi pathemata tristia & sollicita* evitentur, quamvis mala consuetudo in re presenti vix corrigatur. *Excernerda* ordinariâ facilitate succedentia, non negligenter tractentur, ne ex neglectâ depositione, præter morbi vim adstringatur alvus, & intempestivè irritent naturæ impetum majorem retentæ fæces: *Adstricta Clysteribus*, sed blandis, & leviter humectantibus, juvetur, nequaquam verò valdè irritetur. *Sudor* nimius in incremento morbi vitetur, *Moder* tamen corporis, quantum potest, fervetur; Si, etiam assuetis aliàs ab exhibitis *sudoriferis*, tempore *Expulsionis*, nullus profluat *Frictiones* minimè negligantur.

Pro *prognosi* principaliora ita complecti possumus. *Pulsus* quantumcunque *fortis & constans*, bonus; *Debilis & constans* citra alia gravia Symptomata, in medio positus; *cum his*, in lusu. *Lypothimie* frequentes præsertim ab ipso usque principio, malæ. *Respiratio* difficilis, citra plethoram, mala. *Appetitus* in fastidium verum, cum nausæâ, versus, malum. *Sitis* in æstu magno nulla, malum. *Vomitus & Diarrhæa*, *Hæmorrhagiæ* in principio morbi, nisi nimia, mediocria: Si nimia, aut in statu, & tempore ad *Eccresin* properante, mala. *Vires* nimium dejectæ, & quicquid illas ulterius atterit, malum. In morbo & Symptomatis gravibus *pauca* Exanthemata, malum. Exanthemata cito *disparentia*, malum: Si his *alvi fluxus*, *Colicæ*, *Singultus*, supervenerint, pessimum, & si tetri coloris ejiciantur sordes, ferè semper lethale. *Convulsiones & Deliria* in principio morbi, periculosum; in statu pessimum; à *retroessione*, Mors. *Urina* semper aliquantum *cocta*, citam *Eccresin*; *Diu eruda*, cum energiâ morbi, seram; *Diu. Sana*, summum periculum signat. *Bonus animus*, bonum medicamentum; *Jacens*, Calamitatem juvat. Post medicamenta *alteratio* sensibilis, bonum, nulla malum.

Defungimur itaque Labore nostro, DEO omnipotenti, ut sub introitum, ita sub exitum, gratias vota, gloriam, nuncupantes, concinentes.



Ex Autoribus Practicis hanc in rem legi  
possunt sequentes.

- Hieronym. Fracastorius de morb. Contag. l. 2. c. 6.*  
*Petrus Forestus Obs. Med. l. 6. Obs. 35. & seqq.*  
*Joh. Lang. Epist. l. 2. epist. 15.*  
*Joh. Thom. Minodous de hum. Corp. turpitud. & l. 1. de Febr. mall.*  
*Hor. Augenius Epist. & Consult. l. 2. Ep. 1.*  
*Balth. Brunnerus Consil. 42.*  
*Philipp. Hæchstetterus Decad. 1. Casu 4. 5.*  
*Guilelm. Ballonius Consil. Med. t. 1. Cons. 37.*  
*Zacut. Lustit. Prax. Adm. obs. 13.*  
*Lodovic. Keplerus de Febr. Epidem. Regiomontanis 1649. p. 19.*  
*21. 30. 31. 35. 36.*  
*Phil. Salmuthus obs. Med. C. 2. n. 65.*  
*Joh. Daniel Horstius Decad. 1. Ep. 10.*  
*Joh. Rhodius Obs. Medicin. C. 1. Obs. 19.*  
*Timæus à Guldenklee, l. 8. c. 5. & 24.*  
*Riverius l. 17. c. 1.*  
*Senn. Instit. l. 1. Sect. 1. c. 17. an in eruptione Exanthematum  
conferat. V. S. & For. l. 6. obs. 29 Amatus C. 2. Cur. 16.*  
*Rolfinc. O. & M. Comm. l. 4. Conf. 12.*  
*Vesicantium in Exanthematis maligni, usus. Val. Martini En-  
chir. de Febr. p. 168.*  
*Sim. Paul. Digress. de Febr. p. 18. 64.*  
*Quid de Sanguine, in febribus continuïs passim, grassantibus,  
emittendo sit statuendum? Thonerus l. 1. Obs. 33.*  
*De febre continuâ cum puncticulis & maculis Ballon. Epidem.  
p. 232.*  
*De Febre maligna purpurata Epidemica, cum convulsione, tre-  
more aliisque pravis Symptomatibus, curata. Borell. C. 1. obs. 55*  
*De Febre purpurata River. C. 1. obs. 21.*  
*De Febre purpurata juris repercussa, (ex inconsiderata aëris  
nudi admissione) Forest. l. 6. obs. 59.*  
*De Vini usu in Exanthematis Forest. l. 6. obs. 47. in Schol. Au-  
gen. t. 2. Epist. 8.*  
*Vinum in Petechiali febre salutare Barthol. C. 6. bist. 7.*

